

প্রাথমিক সমাপনী থেকে এমসিকিউ বাদ

নিজস্ব প্রতিবেদক •
প্রাথমিক শিক্ষা সমাপনী পরীক্ষায় এবার থেকে বহুনির্বাচনি প্রশ্ন (এমসিকিউ) থাকছে না। প্রাথমিক ও গণশিক্ষা মন্ত্রণালয় এ সিদ্ধান্ত নিয়েছে জানিয়ে এ সংক্রান্ত একটি আদেশ জারি করেছে জাতীয় প্রাথমিক শিক্ষা একাডেমি।
আদেশে বলা হয়েছে প্রাথমিক সমাপনী পরীক্ষায় এমসিকিউ বাদ দিয়ে শতভাগ যোগ্যতাত্ত্বিক প্রশ্নে পরীক্ষা নেওয়া হবে। যোগ্যতাত্ত্বিক পদ্ধতিতে প্রশ্নের সংক্ষিপ্ত উত্তর লেখা, শূন্যস্থান পূরণ, সংক্ষিপ্ত কাঠামোবদ্ধ প্রশ্ন এবং রচনামূলক প্রশ্ন থাকতে পারে।

এবারের প্রাথমিক শিক্ষা সমাপনী পরীক্ষার জন্য প্রাথমিক শিক্ষা একাডেমি গত ১৮ ফেব্রুয়ারি প্রশ্নপত্রের এরপর পৃষ্ঠা ১১ কলাম ৭

প্রাথমিক সমাপনী থেকে এমসিকিউ বাদ

(প্রথম পৃষ্ঠার পর) কাঠামো ও নম্বর বিভাজন করে আদেশ জারি করলেও প্রশ্নকাস বন্ধে নেওয়া উদ্দেশ্যের অংশ হিসেবে বহুনির্বাচনি প্রশ্ন বাতিলের নতুন সিদ্ধান্ত এলো। কর্মকর্তারা জানিয়েছেন, নতুন নিয়মে প্রশ্নের কাঠামো এবং নম্বর বণ্টন কেমন হবে, তা শিগগিরই জানিয়ে দেওয়া হবে।

গত বছর প্রাথমিক সমাপনী পরীক্ষার প্রায় সব বিষয়ের প্রশ্ন পরীক্ষার আগের রাতে বা পরীক্ষার দিন সকালে ফাঁস হয়ে সামাজিক যোগাযোগের বিভিন্ন মাধ্যমে ছড়িয়ে পড়ে। এর ধারাবাহিকতা বজায় থাকে অষ্টম শ্রেণির শিক্ষার্থীদের জেএসসি-জেভিসি এবং এ বছরের এসএসসি পরীক্ষাতেও। এতে প্রশ্ন পদ্ধতি নিয়েও প্রশ্ন ওঠে।